



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0023413 22
Sarajevo, 21.02.2022. godine

SUDU BOSNE I HERCEGOVINE
SARAJEVO
-Sudiji za prethodno saslušanje-

Na osnovu člana 35. stav 2. tačka i) i člana 226. stav 1. Zakona o krivičnom postupku BiH, p o d i
ž e m:

О П Т У Ж Н И Ц У

Protiv:

ROBERTA ILIČIĆA, zvanog „Robac“, rodenog
1974. godine u Mostaru,
državljanina Bosne i Hercegovine i Republike Hrvatske

HRVOSLAVA PANDŽIĆA, zvanog „Hrvoje“, rodenog
1976. godine u Beču – Republika Austrija,
državljanina Bosne i Hercegovine i
Republike Hrvatske,

ŽELJKA PRIMORACA, rodenog
1976. godine u Mostaru,
državljanina Bosne i Hercegovine,

MARIA ANDRIJANIĆA, rodenog
1981. godine u Ljubuškom,
državljanina Bosne i Hercegovine,

Što su:

U vremenskom periodu od početka 2007. godine do 07.09.2007. godine, s ciljem pribavljanja protivpravne imovinske koristi neovlaštenom proizvodnjom i prometovanjem akcizne robe – duhanskih preradevina na teritoriji Bosne i Hercegovine i inostranstvu, iako su znali da se radi o duhanskim preradevinama kao akciznim proizvodima u smislu člana 4. Zakona o akcizama u Bosni i Hercegovini („Službeni glasnik BiH“, broj 62/04), te da u skladu sa važećim propisima nisu registrovani za proizvodnju, uvoz ili promet akciznih proizvoda – duhanske preradevina u skladu sa Zakonom o akcizama, **Robert Iličić, Hrvoslav Pandžić, Željko Primorac, Mario Andrijanić**, zajedno sa drugim njima poznatim licima postali pripadnici organizovane grupe ljudi u smislu člana 1. stav 20. KZ BiH, koju je [REDACTED] organizovao sa namjerom proizvodnje i prodaje akcizne robe – cigareta sa oznakom „Mallboro“, na teritoriji Bosne i Hercegovine i inostranstvu, pa su u realizaciji planiranog djelovanja grupe, nakon što je organizator [REDACTED], preko više različitih pravnih i fizičkih lica uvezao mašine i repromaterijal neophodan za proizvodnju i pakovanje cigareta i to: duhan, ljepilo i PVC gajbe preko preduzeća [REDACTED] agregat preko preduzeća [REDACTED] [REDACTED] papir za cigarete preko preduzeća [REDACTED] [REDACTED] polupropilendsku foliju preko preduzeća [REDACTED], te filtere i druge proizvodne mašine, koje je potom na njemu poznat način prevezao na lokaciju hangara u mjestu Drinovci, dok je Robert Iličić prevezao poljopropelinsku foliju, ljepilo i PVC gajbe na istu lokaciju, da bi **Robert Iličić, Hrvoslav Pandžić, Željko Primorac i Mario Andrijanić**, za novčanu naknadu od po 600 KM za mjesec angažmana, zajedno sa organizatorom i drugim njima poznatim pripadnicima grupe, u vremenskom periodu juli - avgust 2007. godine, u hangaru u Grudama, u mjestu Drinovci, [REDACTED], nakon što su kupljene mašine instalirane za proizvodni pogon, pokrenuli proizvodnju cigareta, koje su potom u namjeri obmanjivanja krajnjih kupaca i drugih korisnika glede kvaliteta, porijekla, vrijednosti i drugih svojstava robe, cigarete pakovali u lažnu ambalažu-paklice na kojoj su se nalazile lažne oznake za obilježavanje strane robe „Mallboro“ cigareta, stranog proizvođača „Philip Moris“, a potom na ovu ambalažu-paklice u namjeri da ih upotrijebe kao prave, suprotno članu 23. stav 1. Zakona o akcizama („Službeni glasnik BiH“, broj 62/04), ljepili lažne akcizne markice sa vrijednosnim oznakama „Ministarstvo finansija Republike Srbije“, te iste potom pakovali u „šteke“ cigareta, zatim u veću kartonsku ambalažu-kutije, sve sa istim lažnim oznakama „Mallboro“, zatim tako proizvedenu i upakovanu akciznu robu-cigarete, utovarali u TMV marke „Mercedes“ tip. 611D, broj šasije [REDACTED], nakon čega je Robert Iličić ovu robu radi dalje prodaje prevezio do kuće organizatora [REDACTED], koji je potom istu prodavao njemu poznatim kupcima za novčane iznose od 600 do 700 konvertibilnih maraka po kartonskom paketu (50 šteka), a **Robert Iličić** dio proizvedene akcizne robe radi dalje prodaje skladištio u kući [REDACTED], opština Grude, pa je tako dana 06./07.09.2007.godine u prostorijama kuće [REDACTED], a koju je koristio Robert Iličić, na navedenoj adresi, prilikom pretresa pronađeno i privremeno oduzeto 1 226 komada „šteka“ cigareta „Mallboro“, meko pakovanje, 2 696 paklica cigareta „Malboro“ meko pakovanje, dok je u tovarnom prostoru TMV marke „Mercedes“ tip. 611D, pronađeno i privremeno oduzeto 152 990 paklica cigareta „Mallboro“, pa su tako u naznačenom vremenskom periodu u namjeri proizveli najmanje 500 paketa cigareta (50.000 šteka).

Dakle,

Osumnjičeni **Robert Iličić, Hrvoslav Pandžić, Željko Primorac i Mario Andrijanić**, kao pripadnici grupe lažne znakove upotrijebili kao prave, proizveli robu sve radi dalje prodaje, a čija je proizvodnja i prodaja zabranjena propisima Bosne i Hercegovine,

Čime su počinili krivično djelo Organizovani kriminal iz člana 250. stav 2. Krivičnog zakona Bosne i Hercegovine (KZ BiH), krivično djelo Krivotvorenje znakova za obilježavanje robe, mjera i tegova iz člana 208. stav 1. KZ BiH u vezi sa krivičnim djelima Nedopuštena trgovina iz člana 212. KZ BiH.

**TUŽILAC
TUŽILAŠTVA BOSNE I HERCEGOVINE**